


Cracovien. Studior. Univ. Regula


Promotiones Philo. Ord.

1719 26 Octobr.



Jacaya 2885.

Barszewski Joani Animus ex certamine studio
victor



ANIMUS,

Ex Certamine Erudito

VICTOR.

In X. VV. DD. Primæ Laureæ Candidatis

OBSERVATUS:

Ac dum,

^A
CLARISSIMO & EXCELLENTISSIMO DOMINO,
D. M. MELCHIORE
KICINSKI,

Philosophiæ DOCTORE, Collega Minore,
Matheseos, & Astrologiæ Ordinario PROFESSORE.,

Artium Liberalium & Philosophiæ

BACCALAUREI,

In Augusto D. Jagelonis Lyceō,

In Magnorum Hospitum Presentia

Ritu Solenni

RENUNTIARENTUR:

^A
JOANNE BARSZCZEWSKI,

Ejusdem Laureæ Candidato,

ORÉPOSTICO

DECLARATUS.

Anno ad Victorias descendentis DEI, 1719. Die 26 Octobris.

CRACOVIAE, Typis Francisci Cezary, S. R. M. Celsissimi Principis, Illustrissimi &
Reverendissimi D. Episcopi Crac: Ducis Severiæ, necnon Schol: Novodvorc: Ord: Typogr.

In Gentilicium Stemma.
ILLUSTRISSIMÆ DOMUS
BELCHACCIORUM.



BIBLIOTHECA
UNIV.
ORACOVENSIS

A Campo quondam voluit dare Nomina Sclauis
Lechus, mox (meditans) hæc facienda probat.
Arripit en Vestram manibus, vibratq; Securim,
Quæve Nemus fuerat, facta Polona plaga.
Hinc Domui Vestræ consurgit gloria magna,
ASCIA quod Lecho, manserit ista Comes.

ILLVSTRI ac MAGNIFICO DOMINO,


D. ANTONIO

De Gledźianow

BEŁCHACKI,

NOTARIO CASTRENSI
CRACOVIENSI,

Domino, Mecenati Amplissimo.

 *N* fronte operis Victor animus triumphat:
sed dum ante faciem Tuam prodit, trium-
phalia exuens Ornamenta, se Tibi, ac ope-
ram hanc cedere in spoliū annuit, Illustris
ac Magnifice Domine. Romæ etenim in
Amphiteatro Orbis totius versari videor;
dum in laribus Tuis consistens Domus Tua
fascibus instructam, securibus armatam conspicio Majestatem.
Nam vix atrio tot Majorum Tuorum ceris Illustrissimo pedem
infero, protinus quamlibet, Aboriginum Tuorum conspicio imagi-
nem, ad eam se conferentem Asciam, quâ omnes sibi, meq, ani-
mumq, ad debitam Domus, ac Tui excitat venerationem. Et
A quam.

quamvis haec Pagina Heroum gravescat animis, facile tamen in profundum Tui movetur Cultum. Iam enim stellifero altior Olympo Jovis Indoles, non Gygantearum violentia, sed Tua benevolentia infra Te submittit. Jam Hercules, Monstrorum Dominator, tum se Victorem existimat gloriosum, cum Tuae militat Glorie. Jam sublimis Ajacis mens importuno Vlyssi facile arma sibi debita concedit, cum se Asciam Tuam versaturam appromittit. Nec Palladi adeo sua Cordi Hasta dum in Gentilijs Tuis armis promptiorem acutioremque observat stylum. Omnis denique Heroum, qui qui illi sunt, manus avida hoc vibrare ferrum, quod olim, imò & nunc Victoribus BELCHACCIIS laureta excinduntur. Et certe, justè haec Laureatarum Mentium unita, ac ferè confederata est cogitatio: ut sub magni Nominis Tui labaro mereantur stipendia, cum maxima bene merendi materia ibi pullulet, ubi in gratiam Tui Clientum accrescunt studia. Verè enim Regiam ingrediuntur Domum, qui obsequenti Pede in Domo Tua consistunt, quam si non sors, certè Virtus Majorum, ac Tua in tantam asciavit Magnificentiam. Longum esset iter, si curiosum ingenij passum, in antiquitatis dirigerem addita initia Domus Tuae investigaturus. Excedit illa seculorum memoriam, supra omne Tempus se evehit, quia solidis meritorum innixa fundamentis cepisse memoratur, sine tamen Temporis determinati mentione. Ach ij essetis (uti ita est) Illustrissimi BELCHACII, Tuque Illustris ac Magnifice Domine, qui omnium primi subsequencia secula, solo tantummodo donastis Vestrae antiquitatis stupore. Vbi adhuc hoc in Vobis observatur prodigium, quod licet Vos Heroumatrix Polonia Veteranos adoret, ijdem estis Orbi, Septemtrioni Regno, Virtute, meritis, Consilio notissimi, estimatissimi. Vos omnes tales, tantosque, arctis limitare Periodis Vestrae magnitudinis non est proportio. Infimum enim est, quidquid de Domo Vestra dicitur, cum se nequeat tollere Oratio ad Honoris Vestri, ac meritorum fastigium. Serpit per ima omnis dictio, quae in laudes Vestras excurrit: & parum se processisse lingua ait, quae in vestrorum encomiorum Culmine nititur consistere. Satis itaque erit mihi memorasse, quem recentia in Rempublicam merita nostris mentibus inscripsere. Fratrem Tuum germanum, Illustrissimum olim ac Magnificum Dominum BALTHASARVM de Gledzianow
BEL-

D. IOANNI CANTIO,

Regni Poloniae, & Almae Academiae Cracov:

PATRONO.

Animorum ad Victorias Laureatas

CORYPHÆO.

ODE VOTIVA.

Cum Epigrapha:

TU PATER UNUS ADES.

IMa dum summis focianda surgunt,

Non suis fidunt humeris, sed almi

Numinis poscunt manibus juvari,

Omne fausto.

En spei tantæ, Capitis Coronam,

Cujus est Cæli favor administer:

Nam Polo semper fluit omne largo

Flumine donum.

Siderum Præses, Dominator Orbis,

Cuncta qui fecit DEVS, omne noscens,

Te creans Sanctum, voluit micare hoc

Munere, CANTI.

Vt preces nostræ subitum juvamen,

De Polo missum videant: modestus

Quas Tui Cultor statuit sub Aram,

Te redolentem.

En Cohors lauris redimita doctis,

Turba Musarum focianda dextris,

Prosperum finem petit, ergo tanto

B

Annue voto.

Te Scholæ Patrem, veneramur Almæ;
Cum Tuo nutu facit illa quæquæ,
Credo, decernet bona, nosq; charo
Pectore stringet.

Si prius nostris precibus serenum,
Tu dabis vultum, benè cuncta cedent
Laureis, quas Tu manibus sacratis,
Tange Beatus.

Nam virent frondes, hyememq; spernunt:
Quæ Tua gaudent benedictione,
Hæcq; succisæ tribuunt honorem,
Multa scienti.

Culmen id passu celeri subire,
Summa votorum fuit, estq; nobis,
Cælico vultu renitens, viarum
Invia tolle.

Instar es solis, niveaq; splendes
Luce, dispellas nebulosa circum,
Et vehas horas, meliore comptas;
Temporis usu.

Pectoris grati, scio, vota certas,
Finis assument placidi coronas,
CANTIO nostris faciem serenam,
Dante petitis.

Non, Tonans Almo dominatus Orbi,
Quæ volet Divus fieri negabit,
Nutui sese dabit omne faustum,
Supplice Patre.

Aureo nubes pluet imbre, jam jam
Nectaris nimbus fluet; viva nobis
Muneris tanti documenta spondet
Lætus Apollo.

Perilla-



Perillustri, Clarissimis ac Excellentissimis Dominis,
DD. EXAMINATORIBUS.

Clarissimo ac Excellentissimo Domino,
D.M. MATHIÆ ZIETKIEWICZ,
Philosophiæ Doctori, Collegæ Majori Vocato, Contubernij Iagellonia-
ni Seniori, Cursus Vladislaviani Professori, ac interea
Facultatis Philosophicæ

D E C A N O.

Perillustri, Clarissimo & Admodum Reverendo Domino,
D.M. FRANCISCO HIERONYMO
P L U C I N S K I,

Philosophiæ Doctori, Collegæ Majori, Regio & Tylicianæ Eloquentiæ
Professori, Ecclesiarum, Cathedralis Kijoviensis CANONICO,
Collegiatæ Cracov. S. ANNÆ Archidiacono, Parochialis
in Łetkowitz Curato.

Clarissimo & Excellentissimo Domino,
D.M. MELCHIORI KICINSKI,

Phil: Doctori, Collegæ Minori, Matheseos Ordinario Professori.

Cum Epigraphe:

Hinc Animus Victor.

PRæses Apollo Montis, Eburneo
Assurge lecto, dicq; sororibus
Currant, recurrant, & locorum
Cuncta suis subeant ocellis.
Quærenda promptis gloria passibus,
Et quo sub antro fama, Cubilia
Superba stravit, porticumq;
Egregijs decoravit actis.
Tum si citatis saucia cursibus
Quietis, almæ suscipit otia,
Clamore Musarum petita,
Mox placidum renuat soporem.
Rumpat morantes pollice somnij
Nexus, & omnis conscia roboris,
Instauret axes, & quadrigis
Per gemini vehat orbis Astra.

Laudis Virorum, quos Academiae
Præclara Nostræ lumina cernimus,
Qui solis æmuli nitentis
Ingenio radiante fulgent.
Est digna Virtus, scandere culmina
Honoris alti, dignaq; currere
Per Ora multorum, reportans
Præmia parva labore summo.
Jam fama curru constitit Aureo
Jam narrat Orbi, Ternio maxime,
Vicisse nos, vestro favore,
Quæ superanda fuere nobis.
Vox prima laudum, victima gloriæ,
Narrande prodis, vivide ZIETKIEVI
Honore præcurrens Sophorum
Agmina, tum decus omne Musæ.
Quicumq; tantis dotibus ingenij
Gaudent, Tuos hi mittere non valent,
Actus, silentio, laborum,
Quos memores facit ipse rumor.
Athlanteis dum viribus arduas
Causas Lycæi, (pondere nescius
Frangi) tulisti, ferre doctus
Hæc quæ alios humeros fatigant.
Et hoc videmus, temporis ambitu
Curæ graves quàm Te super incubant,
Cursus biennio legendus
Stoaq; Principe digna tanto.
Quæ Musa plaudet tot meritis Tuis
FRANCISCE, Nostris qui studiosius
Vultum dedisti, fersq; rebus,
Subsidium tribuens benignum.
Myszkovianis Te canit in Scholis
Apollo primos fundere rivulos,
Sudoris almi: nam Camœnas
Imperio dedit ille præstò.
Tuo, sed amplæ sat sapientiæ
Angusta multum tanta Colonia

Te

Te, Craciæ cessit Minervæ
Lux ubi magna nitet Virorum.
Et ut Platonem, Rex Dyonisiſius,
In claſſe vectum Siciliae dedit,
Sic Te iagello doctus, hîcce
Classibus intulerat supremis.
O quàm secundo vecta favonio,
Per tot procellas eſt Schola Rhetorum,
Sed Præſidem quæ nacta doctum,
Invidia huius ecce raptum.
Dum fata noſtris invida commodis,
Poſnaniensi præpoſitum loco,
PLVCINIYM vix reddidere,
Ore loqui bene nunc docentem.
Hanc do duobus laudis adoream,
His plaudo votis, & Tibi tertio,
Doctæ Mathæſis cultor alme,
Sidereæ regionis aſtrum.
Certè, KICINSKI, Nomine Melchior,
Adfers ſtuporem, quòd penetralia,
Noſcas polorum, ac ſi fores is,
Qui Domino veniente, ſtellam
Securus ultro: ſed labor anxius
Demonſtrat à Te mente polum capi,
Hinc ſumma ſcande dignitatum,
Pervia nam Tibi ſunt ſuprema.
Hæc Veſtra magni præmia ſunt Viri,
Cum grata noſtis pectora gratijs,
Veſtris onuſta; pandimus nos
Corda ſuis ſpoliata peplis.
Videte noſtrum, viſcera Candidis
Spirare votis, quatenus ordinem,
Hunc fata ſervent ut beatos
Clotho dies neat, atq; vobis,
Fortuna, fauſtis curribus, omnia
Rotet, ſciant & ſæcula poſterum,
Vos vos, Clientibus benigna
Lumina, ſæpè fuiſſe veſtris.

A N I M U S

Ex Certamine Erudito

V I C T O R,

In X. VV. DD. Primæ Laureæ Candidatis,

O B S E R V A T U S.

I. V. D. NICOLAO PVKINSKI,

Animus Iovis, in domandis Gigantibus,
Conspicuus attribuitur.

SÆcula, si retro Vates conspexero, semper
Hoc Patres nostri, sic voluere ratum:
Vt, qui monstraret Martis certamine robur,
Non moritura foret sortis imago bona.
Assumpsit quondam victricia Iupiter arma,
Et narratur nunc interisse Gigas.
Fulmine nam domuit refragā mente tumentes,
Laudandas vires dicimus esse Iovis.
Omnia, PVKINSKI de vicinis saxa curis,
Quo facto poterit, mox Tua Fama mori?
Primam Te voluit Pallas d' cerpere laurum;
Nobilitas etenim digna præire loco,
Digna legi primos per fastos carmine primo,
Ante alios & nunc concelebranda venit.
Si Iovis est, magnos nimium terrene Gigantes,
Nec desunt membris pondera pressa Tuis.
Quod volvo, dubium libris hunc cerno Gigantem,
A Te, vix cretum jam perisse lego.
Mæle animo Frater, sub lauru fortia spira,
Et fido, certe, Tu, Iove major eris.

II. V. D. IACOBO HANICKI

Animus Æneæ, in exportando de Incendijs Trojanis Anchise Patre, insignis.

Integram nemo sine laude vitam
Esse ducebat: probus estq; semper.
Hic honor vitæ datus eleganti,
Sacraq; laurus.

Bella

Bella Trojano, satis acta dextrè,
Dant Duci laudem, tamen ille factis,
Clarius Sanctis, facili cothurno

Fertur in orbem.

Non deest pulcher Tibi flos, HANICKI,
Artium compos Animus bonarum,
Nam Tuam mentem melior Minerva
Incolit amplè.

Præter has dotes, Tibi mens modesta,
Ad decus lauri, tribuit juvamen,
Vtra Te virtus, video, peralta
Scandere mandat.

Prima, jam dignus, loca possidere,
Vt magis crescas meliore fato,
Hoc loco, prendis nitidam, secundus,
Ordine laurum.

Inde procedas, patet ampla semper,
Indoli magnæ via, nonq; summum,
Culmen attingi pede, denegabunt
Invida fata.

III. V. D. CASIMIRO BORKOWSKI, Animus Themistoclis, in Vincendo XERXE IMPER TERRITVS.

Bellis ferre manus, decor,
Et Marti, Patrijs sedibus invida,
Vltro pectora fidere,
Incrementa fluunt maxima gloriæ.
Istâ, lege Themistocles
Audax, oppositis tela Cohortibus
Infigens domuit minas
Cum qua laurigeris cingere fascijs,
Frontem, Te decet, optimo
Qui de consilio Palladis, obtines
Stoam, turgida perdomans,
BORKOWSKI, Studij deliciae probi,
Comis Cultor Apollinis,
Iam jam, lustra suo cardine plurima
Cessere, ut vigiles dies,
Et noctis spatium das sapientia,
Te non invalidum notat,
Musarum Dominus, cuncta satis bona

*Enarrans animi Tui,
Hinc CASIMIRE nitens tot decorum notis,
Hanc nunc sume Coronidem
Votorum, minor ut nemine prodeas.*

IV. V. D. SEBASTIANO KAZIROLSKI,
Animus Vlyssis.

Modis honorem pluribus aureum,
Tentare norunt, quos humili loco,
Virtutis ardor, esse, summus
Impedit, & prohibet, remissio
Statu teneri, præmia frontibus
Feruntur his, quæ non pavidæ volunt,
Sufferre curarum procellas,
Et rigidis agitantur Austris.
Audax Vlysses bella per omnia,
Factus periculis obiciens feris,
Se ad culmen alti nominis sic,
Per medias tulit ensis iras.
Talis videris, Palladis in Schola,
Heros, coæquans magnanimos, gravi,
Mentis Tuæ capacitate,
Hinc cupiens renitere lauru.
Non vota fallunt Te KASIROLSCIUM,
Optata laurus nam Caput incolit:
Quâ dum coronatus coruscas,
Alta Tibi veniant regenda.

VI. V. D. IOANNI PAŁASZOWSKI,
Animus Herculis, in perdomando Acheleo,
se, tempore pugnae, in varias formas transmutante,
NOTABILIS.

Alcmenâ genitus, bellisq; probatus acerbis,
Hæc reperit duræ tandem certamina pugnae.
Victor ubi dubiâ captavit sorte triumphos,
Et fatum, tanto vix non Acheloe tulisti,
In varias Monstri formas sinuare sciens Te.
Ast animus, semper qui est dignus ab Hercule pandi,
Arte putat superare gravis molimina spectri.
O quantum cuiusq; sit ignorantia monstrum?
Vicia tamen plangit, noster PAŁASOVIVS ense

Dum

*Dum stringit mentis: varijs licet obvia formis,
 Iam superata manet: cedit jam laurea tanta
 Heroi, nec deficiunt sua Munera laudum.
 Hunc natum, vincendo ornat revocatio rerum,
 Et gravitas morum, non expers luminis almi;
 Qui noscens Fratrem laurus adiisse decorem
 Pro lauro statuit, doctos sufferre labores.
 Ambiat ergo Caput, tum frontem hac vitta coronet;
 Pro qua tot curas tenuit PALASOVIVS audax
 Herculis ille bonas dotes comitatus opima
 Præmia sortitor, Vivax per tempora multa,*

VII. V. D. FRANCISCO GOCZYNSKI,
*Animus Ajacis, de Armis Achillis cum
 Vlyssæ contendentis.*

EXtinctus fatis Heros memoratur Achilles
 Litibus assiduis exagitasse duos,
 Ajacem dico tum fortem pectore Vlyssæm,
 Arma Viri rixæ causa fuere bonis:
 In trepido verò poteras spectare duello,
 Ajacem primo viribus esse parem:
GOCZYNSKI validè certans de Palladis ampla
 Lauri, Virtutis conspice signa Tuæ.
 In nostrum charo numero bis quinque Virorum,
 Unus præcellis, fortior unus ades.
 Athletam nam quod commendat robur alacrem,
 Vividus hoc animus monstrat inesse Tibi.
 Cerne tuos actus, & verum, hac lege videbis,
 Impavido quod tu pectore digna geras.
 Si taceam laudes FRANCISCÆ, Lycæa loquentur,
 Te, Sophiæ nodos dissecuisse citò.
 Plus addam, propenso dum præcordia Patrum
 Devincis studio, summa trophæa meres.
 Ergo caput lauro submittens, maxima quæq;
 Prendas, & summis Te gere sæpè parem,

VIII. V. D. IOSEPHO MODELEWSKI,
Animus Achillis.

Aрма Virumq; canens, dubium si cessit Achilli,
 Excito tum liti, finem volo, præcipe Lector.
 Quem fatum rapuit, tum quem sors Mortis iniqua,
 In medio Trojæ Urbis supplantaverat æstu,

D

Major

IX. V. D. ALBERTO FRANCISCO
PLACZKOWSKI,
Animus Hectoris.

X.

X. V. D. BARTHOLOMÆO
CIESIELSKI,

Animus Palladis, difficultates Scholasticas
gloriosissimè superantis.

IN Mentis thalamo, vitæ quæ suscipit auram,
Et quæ Materno, pectore nescit ali.
Chara lovis soboles, Pallas dum creverat annis,
Altius hæc animum, sustulit usq; viris.
Iam galeam Capiti, jam dextræ spicula jungens,
Oblatum præsto, sustulit ense malum.
An non Palladis hic noster CIESIELSCIVS ausu,
Vt lauro cingat, tempora multa domat.
Strenuus hic victor Posnæ, dum dogmata linquit,
Hic plausus, palmas, digna trophæa capit.
Et decet ingenuam mentem succrescere donis,
Præmia sic menti, frondea calcar erunt;
Hinc quia spem de Te, Pallas præconcepit amplam,
Fronde Tibi frontem, BARTHOLOMÆE ligat.
Crede meis dictis, verum nam dicere cogor,
Laurea quod niteat, vertice digna Tuo.
Nam labor assiduus, tum longa cupido sciendi,
Vt vireat laurus, sollicitare solet.
Hinc si me Vatem fieri vis certa loquentem,
Ob doctos actus, Te sciet omne Caput.

V. V. D. IOANNI BARSZCZEWSKI,
Authori Operis, in vim Fraternali affectûs.

V. D. SEBASTIANVS KAZIROLSKI,

Ejusdem Laureæ Candidatus.

Animum Iasonis, Aureum Vellus feliciter
deportantis, attribuit.

IAm nostra portus, Anchora Margini
Adhæsit, audax & nimium polus,
Post tot procellarum pericla,
Nos tenui recreavit aurâ.

Solvenda malò, lintea sunt citò
 Tum transtra remos navita negligat.
 BARSZCZEVIVS nam Dux Carinæ,
 Iam petit ore cani diserto.
 Novenna fortem turba sonet virum,
 Et laude laudes, pendat amor Tibi,
 Qui nostra Iason, mente firmans,
 Laurigerum advehis utq; portum.
 Non vellus opto Colchica quod bidens,
 Ministra lanæ porrigit aureæ,
 BARSZCZEVIVS nosmet canendo,
 Laude triplum, tulit ecce donum.
 Hic, Matris Almæ, pectora nunc petens,
 Affurgit in spes, vir bonus optimas:
 Nam promptus altâ mente cernit,
 Non humiles aditus decoros,
 Laurum virentem, fronte gerens parem,
 Lauro sacravit præcius indolem,
 Encomio dignus venusto,
 Munere tum meritum decente,
 Hinc qui sonanti Carmine nos canit,
 Conscendat altum Nominis effedum,
 Honore florens, semper amplo,
 Omne bonum legat in triumphum.

Eidem Authori Operis,

V. D. ALBERTVS PŁACZKOWSKI,

*Mutuum grati pectoris Symbolum, Amoris & Benevolentiae
 ergò testatur.*

Animum Homeri non bellum Trojanum, sed
 novem animos ex erudito certamine
 triumphantes describens.

Qui multos animos in parvo ponit acervo,
 Hunc ab utrinquè beant, commoda multa Virum;
 Non aliter quàm dum concurrunt flumina secum,
 Lympharum semper copia major adest.
 Ditior est alijs, plures qui possidet agros,
 Hic magis unita prosperitate viget.
 Cui placuit cunctorum animos ornare coronis,
 Curas commemorat, quas animus repetit.

Fere

Fert inquam causas tantarum expromere rerum,
Quis Te BARSZCZEWSKI scribere, quis poterit?
Vultumq; eximias dotesq; Tuas, magè mentem
Effigiare piam? gràtia namq; manes;
Dum Tu non solum nomen gestare IOANNIS,
(Huic nil non gratum pectore semper agens)
Cerneris; ast re ipsa censeris ubiq; IOANNES,
Cujus viva animò fulget Imago Tuo.
Extra me rapiebar amans, spectansq; laborem,
Quæ Tibi tam merito, mûnera grata darem,
Dignus es, ut grati pulcherrima dona Patroni,
Et doctæ referas laurea ferta Togæ;
Et quia nunc animos ornasti carmine nostros,
Reddimus ergo tuis, carmina carminibus.



Permissu
MAGNIFICI DOMINI
RECTORIS,
ALMÆ UNIVERSITATIS
CRACOVENSIS.

THE
LIBRARY OF THE
MUSEUM OF NATURAL HISTORY
OF THE
CITY OF LONDON
GEORGE ALLENBY
1847

RECEIVED

1847

1847

1847

1847

1847

RECEIVED


1847

1847

1847

July 27

Biblioteka Jagiellońska



stdr0025805

